

পাবলিক প্রকিউরমেন্ট ও যাত্রা

এক নজরে

- ০২ সিটিজেন এনগেজমেন্ট
ফোরাম (সিইএফ) আপডেট
- ০৪ মাঠ থেকে

মাঠ পর্যায়ের কাজের পরিসমাপ্তি: শেষ হলো একটি গুরুত্বপূর্ণ অধ্যায়

বি আইজিডি'র ডিজাইনকৃত নাগরিক সম্পৃক্ততার মডেল ২০১৯ সালের মার্চ থেকে ২০২২ সালের মার্চ পর্যন্ত সারা দেশে ৪৮টি উপজেলায় বাস্তবায়িত হয়েছে। ব্যাকের সামাজিক ক্ষমতায়ন ও আইন সুরক্ষা কর্মসূচী (SELP) এ কাজে সহযোগিতা করেছে। প্রথম বছরে ১৬টি উপজেলা নিয়ে শুরু করার পর দ্বিতীয় বছরে প্রকল্পটি ৪৮ টি উপজেলায় সম্প্রসারিত হয়। এই মডেলে স্থানীয় নাগরিকদের তাদের এলাকার নির্মাণ প্রকল্পগুলি পর্যবেক্ষণ করার জন্য একত্রিত করা হয়।

এটি করার জন্য, বিআইজিডি এবং ব্যাকের মাঠ কর্মকর্তারা ৩৬ টি উপজেলায় সাইট-ভিত্তিক স্থানীয় নাগরিক গ্রুপ গঠন করেন। প্রকল্পের গুণগত মান বিচারের জন্য প্রাথমিক মূল্যায়ন দক্ষতার উপর দলগুলোকে প্রাসঙ্গিক প্রশিক্ষণ ও অভিযোজনও প্রদান করা হয়। পুরো প্রক্রিয়ায় স্থানীয় সরকার প্রকৌশল বিভাগ (এলজিইডি), শিক্ষা প্রকৌশল বিভাগ (ইইডি) এবং জনস্বাস্থ্য প্রকৌশল বিভাগ (ডিপিএইচই)-এর স্থানীয় সরকার প্রতিনিধি এবং সাধারণ নাগরিকদের সাথে স্থানীয় ক্রয়কারী সংস্থাগুলোও যুক্ত হয়।



BIGD, Brac University
SK Centre, GP, JA/4, Mohakhali
Dhaka 1212



+88 02 5881 0306, 5881 0326



info@bigd.bracu.ac.bd



http://bigd.bracu.ac.bd

নাগরিক দলগুলো প্রকল্প পর্যবেক্ষণ করেছে এবং কোনও অনিয়ম পেলে কর্তৃপক্ষকে তা অবহিত করেছে। ১২টি উপজেলায়, কোন মনিটরিং গ্রুপ গঠন করা হয়নি কিন্তু সাইট মিটিং-এর সময় নাগরিকদের প্রকল্পের তথ্য প্রদান করা হয়।


দলগত এবং দলবিহীন পর্যবেক্ষকদের মূলত গবেষণার উদ্দেশ্যেই রাখা হয়েছিল। যারা নিয়মিত নির্দেশনা পাচ্ছিলেন এবং যারা পাচ্ছিলেন না, তাদের মধ্যে পার্থক্য বোঝার জন্য বিভাজনটি করা হয়। কিন্তু উভয় দলের ছিল একটিই উদ্দেশ্য, তা হলো জনগণের অংশ হয়ে জনগণের জন্য পরিচালিত উন্নয়নমূলক কাজ পর্যবেক্ষণ করা।

এই উদ্যোগের মাধ্যমে, ২০২২ সালের মার্চ পর্যন্ত রাস্তা, স্কুল, সেতু এবং উপজেলা ও ইউপি কমপেক্সের ৩১৫টি ছোট আকারের উন্নয়ন চুক্তি নাগরিকদের নজরদারির আওতায় আনা হয়েছে। ২৫৪টি নাগরিক গ্রুপ গঠন করা হয়েছে। এই কর্মসূচিতে প্রত্যক্ষ ও পরোক্ষভাবে ২,৫১৬ জন নাগরিক গ্রুপের সদস্য জড়িত।

স্থানীয় প্রকিউরমেন্ট এনটিটিদের (পিই) সাড়াপ্রদানও এক্ষেত্রে অনেক সাহায্য করেছে। এখন পর্যন্ত, নাগরিকরা ৪৪৪টি অভিযোগ উত্থাপন করেছে, যার মধ্যে ৪১৭টি সমাধান করা হয়েছে। এই সময়ের মধ্যে ১০৮টি প্রকল্প শুরু থেকে শেষ হওয়া পর্যন্ত পর্যবেক্ষণ করা হয়েছে। বাকিগুলো বিআইজিডি ও ব্র্যাকের হস্তক্ষেপ ছাড়াই চলমান রয়েছে।

বিআইজিডির সিনিয়র প্রোগ্রাম অ্যাসোসিয়েট রায়হান আহমেদ মার্চ পর্যায়ের অফিসারদের দায়িত্বে ছিলেন এবং তাদের সাথে নিয়মিত যোগাযোগ রাখতেন। তাঁর মতে, নাগরিক গ্রুপের সদস্যদের জবাবদিহিতার সাথে নির্মাণ কাজ পর্যবেক্ষণ করার জন্য উপযুক্ত প্রশিক্ষণ এবং নির্দেশ দেয়া হয়েছে। এখন সময় এসেছে মালিকানার এই বোধকে কাজে লাগিয়ে তত্ত্বাবধান ছাড়াই নিজেদের উদ্যোগে কাজগুলোর পর্যবেক্ষণ চালিয়ে যাওয়ার। নাগরিকরা দায়িত্ব নিতে পারলে প্রতিটি প্রকল্পই হবে সফল প্রকল্প।

সিটিজেন এনগেজমেন্ট ফোরাম



ভালোভাবে কাজ করার জন্য আগ্রহ প্রকাশ করেন।

নরসিংদী

নরসিংদীতে ২৩ জানুয়ারী ২০২২ তারিখে একটি ভার্সুয়াল কর্মশালার আয়োজন করা হয়। অনুষ্ঠানটিতে অংশ নেন আবু হেনা মোরশেদ জামান, সচিব,



কাজি আনোয়ার কামাল

আইএমইডি, পরিকল্পনা মন্ত্রণালয়; আবু নাইম মো: মারুফ খান, জেলা প্রশাসক ও ম্যাজিস্ট্রেট, নরসিংদীসহ সংশ্লিষ্টরা। আবু হেনা মোরশেদ জামান বলেন এই উদ্যোগটি গুরুত্বপূর্ণ কারণ এটি সরকারী ক্রয়চুক্তি এবং ব্যয়ের সাথে সম্পর্কিত যেখানে সরকারী প্রকল্পের দুই পঞ্চমাংশ অধিগ্রহণের সাথে সম্পর্কিত। তিনি আরও উল্লেখ করেন যে এটি তৃণমূল পর্যায়ে গণতন্ত্র ছড়িয়ে দিতে এবং জবাবদিহিতা প্রতিষ্ঠা করতে সহায়তা করেছে। আবু নাইম মো: মারুফ খান নাগরিকদের ক্ষমতায়নে স্থানীয় পর্যায়ে

বগুড়া

সি ইএফ বগুড়া ৯ জানুয়ারী ২০২২ তারিখ ভার্সুয়ালি অনুষ্ঠিত হয়। আবু হেনা মোরশেদ জামান, সচিব, আইএমইডি, পরিকল্পনা মন্ত্রণালয়; মো. জিয়াউল হক, জেলা প্রশাসক ও জেলা ম্যাজিস্ট্রেট, বগুড়া; সৈয়দা সেলিনা আজিজ, সিনিয়র প্রোগ্রাম ম্যানেজার বিআইজিডি; ডিম্যাপ এর সংগঠক এবং স্টেকহোল্ডাররা এতে অংশ নেন। আবু হেনা মোরশেদ জামান এই উদ্যোগকে আন্দোলনে পরিণত করার জন্য জেলা প্রশাসককে পরামর্শ দেন। তিনি আরও বলেন এখতিয়ার এবং ক্ষমতার বাইরের জায়গায়ও এই উদ্যোগটি গ্রহণ করার চেষ্টা করতে হবে। পূর্বাভিজ্ঞতা থেকে মো: জিয়াউল হক আশংকা প্রকাশ করেন যে নাগরিকরা যদি নিজেদের অতিরিক্ত শক্তিশালী ভাবা শুরু করে তবে তারা ব্যক্তিগত প্রতিহিংসা বা প্রতিদ্বন্দ্বীদের দ্বারা প্রভাবিত হয়ে প্রকৌশলী ও ঠিকাদারদের হয়রানি করতে পারে। তিনি আরও বলেন

এই উদ্যোগের সাথে জড়িত নাগরিকদের অতীত কর্মকান্ড যথাযথভাবে যাচাই বাচাই করা প্রয়োজন। মঞ্জুর মোর্শেদ, নাগরিক সদস্য, ধুনট উপজেলা, বগুড়া জানান যে এমন অনেক ঘটনা ঘটেছে যেখানে স্থানীয় রাজনৈতিক প্রভাবশালীদের দ্বারা কোন অনিয়মের অভিযোগ না করার জন্য তাদের নিরুৎসাহিত করা হয়েছে। যেহেতু তারা সাধারণ নাগরিক, তারা আতঙ্কিত বোধ করেন এবং প্যানেলিস্টদের বিষয়টি দেখার জন্য অনুরোধ করেন। কর্মশালা শেষে অংশগ্রহণকারীরা একসাথে আরও



মঞ্জুর মোর্শেদ

জনপ্রতিনিধিদের আরও সম্পৃক্ত হওয়ার পরামর্শ দেন। মির্জা হাসান উল্লেখ করেন যে বিআইজিডি ফলাফল সংগ্রহ করার জন্য বিস্তৃত গবেষণা পদ্ধতি গ্রহণ করেছে। তাদের গবেষণার মাধ্যমে জানা গেছে যে অনেক কারণ এই প্রকল্পের সাফল্যকে প্রভাবিত করতে পারে। দৈনিক গ্রামীণ দর্পণ'র কাজী আনোয়ার কামাল উল্লেখ করেন যে ঠিকাদারদের অসাধু কর্মকাণ্ডের বিষয়ে অভিযোগ করা হলে অভিযোগকারীদের তারা প্রতিদ্বন্দ্বী হিসাবে দেখে। কর্মশালার অংশগ্রহণকারীরা বিষয়গুলি সম্পর্কে নোট করেন এবং ভবিষ্যতে সেগুলি নিয়ে কাজ করার প্রতিশ্রুতি দেন।

নেত্রকোনা

নেত্রকোনায় ১০ ফেব্রুয়ারি ২০২২ তারিখে একটি ভারুয়াল কর্মশালার আয়োজন করা হয়। আবু হেনা মোরশেদ জামান, সচিব, আইএমইডি, পরিকল্পনা মন্ত্রণালয়, বলেছেন, জনগণের উন্নয়নের জন্য সরকার বিভিন্ন উন্নয়ন প্রকল্প গ্রহণ,



মো: শহিদুল ইসলাম

ক্রয়চুক্তি ইত্যাদি করে থাকে। জনগণের উন্নয়ন করতে হলে তাই আমাদের জনগণের কথা শুনতে হবে। কাজী মো: আব্দুর রহমান, জেলা প্রশাসক ও ম্যাজিস্ট্রেট, নেত্রকোনা বলেন, “সরকারি প্রকৌশলী ও ঠিকাদারদের মধ্যে সাধারণ লোকজন এবং এই ধরনের এনগেজমেন্ট গ্রুপের সাথে কাজ করতে অস্বীকার দেখা যায়। যাইহোক, আমরা দেখতে পাই যে এই ধরনের আচরণের কোন বাস্তব ভিত্তি নেই।” দৈনিক আমাদের সময়'র মো:

শহিদুল ইসলাম বলেন যে তিনি নিজেই একবার তার এলাকার প্রশাসনিক কমপ্লেক্সে কয়েকটি অনিয়ম লক্ষ্য করেছিলেন এবং তিনি বিষয়টি উত্থাপন করলে তা অবিলম্বে সমাধান করা হয়েছিল।

কিশোরগঞ্জ

সি ইএফ কিশোরগঞ্জ ১৭ ফেব্রুয়ারি ২০২২ তারিখে ভারুয়ালি আয়োজিত হয়। আবু হেনা মোরশেদ জামান, সচিব, আইএমইডি, পরিকল্পনা মন্ত্রণালয়,



মো: নজরুল ইসলাম

বলেছেন যে এই কর্মশালাগুলি গুরুত্বপূর্ণ কারণ এখানে সংগৃহীত প্রতিক্রিয়াগুলি পরিকল্পনা মন্ত্রণালয়ে উপস্থাপন করা হয় যাতে বার্ষিক বাজেট প্রণয়নের সময় সেগুলো বিবেচনা করা যেতে পারে কারণ সরকারি প্রকল্পের ৮০% ই নির্ধারণ করে সরকারী ক্রয়চুক্তি। মোঃ শামীম আলম, জেলা প্রশাসক ও ম্যাজিস্ট্রেট, কিশোরগঞ্জ, বলেন যে আমাদের উচিত নাগরিকদের প্রকল্প বাস্তবায়ন প্রক্রিয়ায় সম্পৃক্ত করা উচিত কারণ একবার প্রকল্পটি শেষ হয়ে গেলে অভিযোগগুলি সমাধান করার খুব কম সুযোগ থাকে। দৈনিক কটিয়াদী প্রবাহ'র মো: নজরুল ইসলাম জানান, ডিম্যাপ-এর এই উদ্যোগ দেখে তিনি আনন্দিত। তিনি আশা প্রকাশ করেন যে দেশের সর্বত্র এটি বিকাশ লাভ করবে।

হবিগঞ্জ

সি ইএফ হবিগঞ্জ ২৪ ফেব্রুয়ারি ২০২২ তারিখে ভারুয়ালি আয়োজিত হয়। আবু হেনা মোরশেদ জামান, সচিব, আইএমইডি, পরিকল্পনা মন্ত্রণালয়, বলেন, সরকারি কর্মকর্তাদের জনগণের সমস্যার




শাহ ফখরুজ্জামান

প্রতি উদাসীন হওয়া উচিত নয়। সমস্যার সমাধান নিশ্চিত করলে তা সরকারী কর্মকর্তাদের কাজের স্বীকৃতি হিসেবেই পরিগণিত হবে। ইশরাত জাহান, জেলা প্রশাসক ও ম্যাজিস্ট্রেট, হবিগঞ্জ, বলেন তিনি তার পক্ষ থেকে যেকোন প্রকার সাহায্য করতে প্রস্তুত। দৈনিক কালের কণ্ঠ'র শাহ ফখরুজ্জামান জানান, এই উদ্যোগের আগে তারা সরকারি উদ্যোগে অনিয়মের অভিযোগ জানাতে নিজেদের সম্পৃক্ত করতেন। তিনি এই জাতীয় আরও উদ্যোগের পরামর্শ দেন এবং আশা করেন যে দেশ ও জনগণের উন্নয়নের জন্য একসেস টু ইনফরমেশন এর ব্যবস্থা নেওয়া হবে

খুলনা

সি ইএফ খুলনা ১০ মার্চ ২০২২ তারিখে ভারুয়ালি আয়োজিত হয়। অনুষ্ঠানে মোঃ আজিজ তাহের খান, পরিচালক, সিপিটিইউ, আইএমইডি, পরিকল্পনা মন্ত্রণালয়; মো: মনিরুজ্জামান তালুকদার, জেলা প্রশাসক ও ম্যাজিস্ট্রেট, খুলনা; মো: ইসমাইল হোসেন, বিভাগীয় কমিশনার, খুলনা; মির্জা হাসান, টিম লিডার, বিআইজিডি, ব্র্যাক ইউনিভার্সিটি; CPTU থেকে প্যানেলিস্ট; BIGD থেকে গবেষকরা; সিটিজেন এনগেজমেন্ট গ্রুপ; পাবলিক ইঞ্জিনিয়ার; ঠিকাদারদের পাশাপাশি অন্যান্যরা। টিআইবির বরাত দিয়ে মো: আজিজ তাহের খান উল্লেখ করেন যে, সরকারি প্রতিষ্ঠানগুলো তথ্য প্রচারের ক্ষেত্রে এগিয়ে রয়েছে। মির্জা হাসান বলেন, খুলনা বিভাগের মধ্যে



মোসা: সাজেদা বেগম

সাতক্ষীরা ও যশোরে সিইএফ অনুষ্ঠিত হয়েছে।

তিনি আরও বলেন, খুলনা বিভাগে এখন পর্যন্ত ৩০টি সক্রিয় প্রকল্প রয়েছে এবং ৯টি ইতোমধ্যে সম্পন্ন হয়েছে। মোঃ মনিরুজ্জামান তালুকদার সিপিটিইউ এবং আইএমইডিকে একটি যথাযথ আইনি কাঠামো সরবরাহ করতে অনুরোধ করেন যাতে স্থানীয় পর্যায়ে জনসাধারণ এবং নাগরিক সম্পৃক্ততায় সহযোগিতার পরিবেশ সৃষ্টি সম্ভবপর হয়। মো: ইসমাইল হোসেন অনুরোধ করেন যে যারা এই উদ্যোগে অংশ নেবেন তাদের অবশ্যই ভালভাবে অবহিত করতে হবে যাতে ক্ষমতার কোনও অপব্যবহার না হয়। সিটিজেন মনিটরিং গ্রুপের সদস্য মোসা: সাজেদা বেগম প্যানেলিস্টদের সম্পূর্ণ মনোযোগ দিয়ে

তার অভিযোগটি শোনার জন্য অনুরোধ করে শুরু করেন। তিনি বলেন যে এই উদ্যোগের অংশ হওয়ার পরে, তিনি সেই অনুযায়ী প্রতিক্রিয়া প্রদান করেছিলেন। কিন্তু ঠিকাদার ও প্রকৌশলীরা তার সঙ্গে অশালীন আচরণ করে। তিনি কর্তৃপক্ষের সাথে পরবর্তীতে যোগাযোগ করেন এবং তাদের মুখোমুখি হন। এটি পরে সমাধান করা হয়েছিল এবং যারা তার সাথে খারাপ ব্যবহার করেছিল তাদের ক্ষমা চাইতে হয়েছিল বলে সাজেদা জানান। এই ধরনের পরিস্থিতি যাতে আর না সৃষ্টি হয় সেজন্য তিনি সবাইকে পদক্ষেপ নিতে অনুরোধ করেন।

মাঠ থেকে

গত ৪ জানুয়ারী নেত্রকোনা জেলার মদন উপজেলা সরকারী হাজী আব্দুল আজিজ খান ডিগ্রী কলেজের একাডেমিক ভবনের ৫ তলা ছাদের কলামের নির্মাণ কাজ সম্পন্ন হয় এবং এর বিমের কেন্দ্রীকরণের কাজ চলমান রয়েছে। বর্তমানে কলেজ হোস্টেলের ৫ তলা ছাদের কলাম নির্মাণের কাজ চলছে।



গত ৯ ফেব্রুয়ারি সিরাজগঞ্জ জেলার বেলকুচি উপজেলার রাজাপুর ইউনিয়নের নাগাগতি প্রাথমিক বিদ্যালয়ের শ্রেণিকক্ষের নির্মাণ কাজ পরিদর্শন করা হয়। ওই স্থানে প্লাস্টারিংয়ের কাজ চলছে। নাগরিকরা উপস্থিত থেকে কাজটি তদারক করছেন।



সম্পাদক: সেলিনা আজিজ | নির্বাহী সম্পাদক: জিহাদ আল মেহেদী
বিষয়বস্তু সম্পাদক: ইনসিয়া খান | পরিকল্পক: মুহাম্মদ আব্দুর রাজ্জাক

